

71 sem beiðandinn nú á, verji hann jafnan og haldi honum við í sæmilegu standi, 30. júní. og að hlutaðeigandi hjeraðsprófastur skoði hann á kostnað eiganda í hvert skipti sem hann visiterar sóknarkirkjuna; auk þess skal beiðandi innan 6 vikna frá því er landshöfðingi Vor yfir Íslandi lætur hann vita af leyfisbrjefi þessu rita og afhenda til þinglýsingar skuldbindingarskrá með veði í jörðunni næst á eftir veðböndum þeim, er nú kunna að hvíla á henni, og sje hann þar og eigendur jarðarinnar Brokey eftir hann skyldaðir til að fullnægja framangreindum skilyrðum.

Gefið á Vorum konunglega aðsetursstað Kaupmannahöfn 30. júní 1885.

Undir Vort konunglega innsigli.

Eftir allramildlegustu boði hans hátignar konungsins

J. Nellemann.

*Leyfisbrjef
handa*

Jóni bónda Bergssyni í Brokey í Snæfellsness- og Hnappadalssýslu í vesturamti Íslands til að gjöra sjer og sínum legstað á tjeðri eyju.

Gjald: 33 kr. 66 a.

72 Brjef ráðgjafans fyrir Ísland til landshöfðingja um umböð hjer í landi fyrir 15. júlí. lífsfjár- og framfærslustofnunina í Kaupmannahöfn frá 1871. — Jafnframt því að senda yður hjer með, herra landshöfðingi, eptirrit af brjefi, er lífsfjár- og framfærslustofnunin frá 1871 hefur hingað sent, og þarsem skýrt er frá, að hjeraðslæknir, dr. med. J. Jónassen, muni verða skipaður umböðsmaður nefndrar stofnunar í Reykjavík, eruð þjer þjónustusamlega beðinn að gjöra ráðstafanir þær sem nauðsynlegar eru, til þess að umböðsmaður þessi geti fyrst um sinn innborgað í jarðabókarsjóðinn það sem afgangs verður hjá honum af peningum, sem hann tekur við fyrir stofnunina, gegn því, að stofnuninni verði aptur greitt fje þetta við aðalfjehirzluna.

73 Brjef ráðgjafans fyrir Ísland til landshöfðingja um skilyrðin fyrir því, að 15. júlí. geta verið skipstjóri eða stýrimaður á íslenzku skipi. — Með þóknanlegu brjefi 9. f. m. hafið þjer, herra landshöfðingi, sent hingað bænarskrá frá hvalveidafjelaginu Mons Larsen & Co, er nú sem stendur rekur hvalveidar við Ísland með gufuskipinu Ísafold, er fengið hefur íslenzkt þjóðernisskýrteini til bráðabyrgða, en skipstjóri þess og stýrimaður hafa fengið borgarabrjef í Ísafjardarkaupstað. Í bænarskrá þessari fer fjelagið þess á leit, að það megi láta þennan skipstjóra og þennan stýrimann fara með «Ísafold» til Noregs nú í haust, til að leggja hana þar í skipakví til rannsaks og koma svo með hana til Íslands aptur að vori, og það þrátt fyrir það, þótt þeir, til þess að fá íslenzkt borgarabrjef, hafi lýst því yfir fyrir bæjarfógetanum á Ísafirði, að þeir ætluðu sjer að setjast að á Íslandi. En jafnframt spyrst fjelagið fyrir um, hvort það yfir höfuð að tala sje nauðsynlegt, að skipstjóri og stýrimaður á skipi, sem fengið hefur íslenzkt þjóðernisskýrteini, sjeu búsettir á Íslandi eða í Danmörku.

Útaf þessu skal eigi látið hjálíða þjónustusamlega að tjá yður til þóknanlegrar leiðbeiningar og birtingar, eptir því sem þörf er á, að einsog þjer hafið tekið fram, herra landshöfðingi, er það nauðsynlegt eptir opnu brjefi 27. maí 1859, sem í því tilliti

er ekki breytt með lögum 21. sept 1883, að skipstjóri og stýrimaður á dönskum skipum, **73**
sem gerð eru út frá einhverjum stað á Íslandi, sju heimilisfastir í hinu danska ríki. 15. júlí.

Til þess sem skipstjóri og stýrimaður að geta farið með skip það, er hjer um ræðir og heima á á Íslandi, verða menn þeir, er að ofan eru nefndir þess vegna að eiga fast heimili á Íslandi eða í Danmörku, svo að segja megi eptir öllum þeim kringumstæðum, sem fyrir hendi eru, að þeirra rjetta heimili sje þar. Einsog það í því tilliti ekki er nægilegt að þeir hafi fengið borgarabréf í einhverjum íslenzkum kaupstað, þannig mun að hinu leytinu það atriði, að þeir dvelja í Noregi næsta vetur, sem þeir eðlilega ekki þurfa leyfis til, eigi í sjálfu sjer útiloka að þeir geti skoðast sem heimilisfastir á Íslandi, en eigi verður borið móti því, að för þeirra frá Íslandi og dvöl í Noregi allan veturinn getur hæglega haft áhrif á, hvernig skorið verður úr því, hvort þeir fullnægi því skilyrði laganna, sem nýlega var minnst á, eða ekki, en frá þessu skilyrði getur ekki verið umtalsmál, að veita þeim undanþágu.

Þarsem amtmaðurinn yfir suður- og vesturamti Íslands hefur við þetta tækifæri talið æskilegt, að ráðgjafinn ljeti í ljósi skoðun sína um, hvort íslenzk lög setji nokkur önnur skilyrði en það, er nefnt hefur verið fyrir því, að vera skipstjóri eða stýrimaður á íslenzku fiskiskipi og einkum um það, hvort heimta megi að menn þeir, er hjer ræðir um, hafi tekið próf í sjómannafræði eða hafi önnur skýrteini fyrir, að þeir kunni að stjórna skipi, þá skal eigi látið hjálíða að bæta því við, að ráðgjafinn ætlar að svo sje eigi.

Brjef landshöfðingja til amtmannsins yfir norður- og austuramtinu um aukning á innstæðu „styrktarsjóðs handa þeim er bíða tjón af jarðeldi á Íslandi“. — Í 24. júlí.
þóknanlegu brjefi 17. f. m., hafið þjer, herra amtmaður, skýrt mjer frá, að innistandi á vöxtum í verzlun Gránufjelagsins á Vestdalseyri 1045 kr., sem safnað hafi verið á sínum tíma fyrir milligöngu Tryggva alpingismanns Gunnarssonar og Jóns landritara Jónssonar til styrktar þeim, sem biðu tjón af öskufallinu 1875, en aldrei hafi verið útbýtt, og hafið þjer og amtsráðið lagt það til, að fje þetta, sem engin upplýsing liggur fyrir um að gefendurnir hafi gjört nokkura sjerstaka ákvörðun um, hvernig verja skyldi, verði lagt við innstæðu hins svonefnda styrktarsjóðs handa þeim, sem bíða tjón af jarðeldi á Íslandi, sem stendur undir stjórn landshöfðingja.

Með því að jeg er yður og amtsráðinu samdóma um, að fje þetta eigi að leggjast við fyrnefndan styrktarsjóð, skal jeg hjermeð þjónustusamlega skora á yður að sjá um, að það verði sent mjer í þessu skyni, ásamt skilríkjum þeim og skilagreinum fyrir stærð þess, sem fengizt geta.

Brjef landshöfðingja til amtmannsins yfir norður- og austuramtinu um kaup og sölu á suðurstofunni í fangahúsinu á Akureyri. — Í þóknanlegu brjefi, dags. 25. 31. júlí.
október f. á., hafið þjer, herra amtmaður, skýrt mjer frá, að amtsráðið hafi ályktað að kaupa suðurstofu fangahússins á Akureyri, er bæjarstjórnin þar á, og ætluð hefur verið til fundarhalda hennar, handa amtsbókasafninu fyrir 1000 kr., sem borgist á 10 árum með 100 kr. á ári þannig, að fyrsta afborgun eigi sjer stað 11. júní 1886 og hafið